



Barnaamujka korontada- iyo tamarta

SOMALISKA




Barnaamujka korontada- iyo tamarta waa barnaamuj xirfadeed oo lagu qaadanaayo shahaado xirfadeed.

Barnaamujka korontada- iyo tamarta wuxuu ku habbonyahay qofkii rabo in uu ka shaqeeyo rakibaadda korontada, wax soo saaridda ka dhigaya mid iswada, korontada-deegaanka- iyo farsamaha biyaha ama kombiyuutaradda iyo isgaadhsiinta.

Shaqada waxaad bilaabi kartaa toos marka aad waxbarashada dhameysid ama waxaad aadi kartaa jaamacadda xirfadaha, oo waxbarashadaada ku sii wada kartaa. Waxaa kale aad doorankartaa in aad koorsooyin dheeraad ah akhrisatid si aad jaamacadda u aadid.

AFAR JIHO OO KALA DUWAN

Awtomayshon

- Waxaad wax ka barandoontaa farsamaha elektarooniga, farsamaha kombiyuutarka iyo farsamaha socodsiinta iyo daryeelka. Jihadu waxay ku siinaysaa fursad aad uga shaqeysatid shaqo oo tusaale ahaan ah farsamaha awtomayshonka marka laga hadlo guriga, warshadaha iyo isbeddelka.

Kombiyuutarka- iyo farsamaha isgaadhsiinta

- Waxaad wax ka baran doontaa rakibidda, maamuleynta iyo hagaajinta nidaamka kombiyuutaraha iyo isgaadhsiinta. Jihadu waxay ku siineysaa fursad aad uga shaqeysid shaqo oo tusaale ahaan ah farsamaha wax soo saaridda elektarooniga, farsamaha adeega guryaha iyo farsamaha shabakadaha.

Farsamaha elektarooniga

- Waxaad wax ka baran doontaa rakibidda iyoo dib u hagaajinta dhismooyinka elektarooniga ah, qaylo-dhaan iyo nidaamka telefishinka iyo kombiyuutaraha. Jihadu waxa ay ku siinaysaa fursad aad uga shaqeysid shaqo oo tusaale ahaan ah farsamaha rakibaadda, farsamaha wershadda iyo farsamaha waddada tareenka marka laga hadlo elektaroonig- iyo calaamad.

Farsamaha tamarta

- Waxaad wax ka baran doontaa maamulidda shaqo iyo qaabka uu adeegiddu u shaqeeyo marka laga hadlo qaybta tamarta, deegaanka, biyaha iyo isbeddelka. Jihadu waxa ay ku siineysaa fursad aad uga shaqeysid shaqo oo tusaale ahaan ah hawl-wadaha socodsiinta xagga awooda- iyo farsamaha kulayliyaha iyo hawl-wadaha dhanka biyaha- iyo farsamaha deegaanka.

Waxaan baad barnaamujka ku barandoontaa

Waxaad wax ka barandoontaa wax soo saaridda, rakibidda iyo qeybinta nidaamka elektarooniga, tamarta iyo biyaha. Waxaad sidoo kale barandoontaa farsamaha elektarooniga- iyo tamarta, awtomayshonka, farsamaha kombiyuutaraha- iyo isgaadhsiinta iyo sidoo kale qalabka warbixinta loo adeegsado habka uu u dhisanyahay. Waxaad dhigan doontaa su'aalaha ku saabsan ammaanka sida heer nololeed iyo ammaanka warbixinta.

Barnaamujka waxaa miisaanka la saarayaa su'aalaha ku saabsan deegaanka shaqada si ooga hortago dhaawacyada shaqada iyo si loo dhiso caafimaad fiican.

Sidaan buu barnaamijku u diyaarsanyahay

Barnaamijka xirfadeed maadooyinka dugsiga sare oo wadajirka loo leeyahay waa: ingiriis, taariikh, ciyaaraha- iyo caafimaadka, xisaabta, cilmiga sayniska, cilmiga diiniga, cilmiga barashada mujtamaca, iswiidhishka ama iswiidhishka oo luuqadda labaad ah. barnaamijka xirfadeed waxaad akhrisan doontaa maadooyin xirfadeed oo badan, oo loo yaqaano maadooyinka sifooyinka, iyo maadooyinka aad ku soo dhigatay dugsiga aasaasiga ah oo yaraaday.

Maadooyinka sifooyinka wadajirka loo leeyahay ee barnaamijka waa: farsamaha kombiyuutarka- iyo isgaadhsiinta, farsamaha eleetarooniga, farsamaha tamarta iyo mekatronik.

Waxaad fursad u helaysaa in aad ku takhasustid oo aad cilmi dheeraad ah u yeelatid barnaamijka. Waxaa taas la dhahaa si qoto dheer ah barnaamijka loo galo. Iskoolka ka wareysa maadooyinka si qoto dheer ah loo sii galayo oo ay soo bandhigayaan.

Sidoo kale waxaad leedahay doorasho gaar ahaaneed oo aad dooran kartid waxa aad akhrisaneysid. Iskoolka weydii koorsooyinka ay heystaan.

Habka shaqada

Barnaamujku wuxuu ka ambaqaadmaa dhibaatooyin kala duwan oo waaqici ah, oo aad dhibaatooyinkaas la xallineysid dad kale ama keligaa hab nidaamsan adiga oo adeegsanayo xisaabta. Waxaad tabobari doontaa awoodaada aad dadka kale la shaqeysid, sida aad macmiisha u soo dhaweysid iyo sida aad shaqada u qabatid marka shirkadda la joogo iyo marka la joogo guryaha dadka gaarka u ah. Waxaad isbaridoontaa qorsheynta, xaqiijinta iyo qiimeynta isbeddelka shaq. Waxaad baraneysa isticmaalidda alaabta iyo qalabka saxda ah.

Shaqada dugsiga sare

Dhamaadka barnaamujka korontada- iyo tamarta waxaad suubineysaa shaqada dugsiga sare oo waxaad ku suubineysaa goobta xirfadeed aad dooratay. Markaas waxaad muujineysaa in aad heshay cilmiga loo baahanyahay si loo bilaabo in lagu shaqeysto waxa aad baratay.

Shaqo gacmeed

Qeybab waxbarashada ka mid ah waxaa la dhigan doonaa ugu yaraan 15 isbuuc waxaana lagu dhigan doonaa hal goob oo shaqo ama goobab badan oo shaqo, waxaana la dhahaa tababarka shaqada (apl). Waana qeyb muhiim ah oo ka mid ah waxbarashada. Apl wuxuu ku siinayaa waayo aragnimo iyo xidhiidhyo oo aad ka faa'iideysan kartid marka aad shaqo raadsaneysid.

Waxbarashada tababartaha

Barnaamujka dhexdiisa waxaa jirto fursad lagu doorto waxbarasho tababarte oo dugsiga sare ah. Taas micnaheedu waa in aad helaysid isku cilmi laakiin ugu yaraan waxbarashadaada barkeed waxaad ku suubineysaa hal meel ama meelo badan oo goob shaqo ah.

Arrin in lagu fikiro u baahan

Haddii aad rabtid u qalmida jaamacadda waxaa muhiim ah in aad qorsheysatid daraasooyinkaada. Doorashada gaarka ah dhexdeeda, iyo ama haddii iskoolku soo bandhigo, si qoto dheer ah in loo dhex galo barnaamujka waxaad dooran kartaa in aad akhrisatid koorsooyinka loo baahanyahay si loo helo u qalmidda jaamacadda oo aasaasi ah. Kuwaasi waa koorso oo iswiidhish ah ama iswiidhish oo luuqadda labaad ah iyo koorso ingiriis ah. Waa ay ficantahay in lala hadlo macallinka xirfadaha- iyo waxbarashada, haddii aad rabtid in aad jaamacad aadid.

Markasta waxaad xaqq u leedahay, doorashada gaarka ah dhexdeeda, in aad dooratid koorso sii dheer oo ciyaaraha- iyo caafimaadka ah iyo koorso bilic ah.